

# DEKO RAMA

IDEA + DEKORASI + KONTEMPORARI

EDISI FEB/MAR 2015

SAJIAN  
**RESEPI CINTA**  
JOVIAN MANDAGIE &  
AARON AZIZ  
GAJET  
INOVATIF  
**PEMUDAH  
GAYA HIDUP**

10

HALAMAN  
**AKSESORI  
PELENGKAP  
KAMAR  
MANDI**

REKAAN  
IDEAL  
**KITCHEN  
ISLAND**

# MODERN MINIMALIS

ELEGAN SEIRING PRAKTIKAL





# DIARI DEKO

idea + dekorasi + kontemporari

## JAJAHAN SELATAN SIGNATURE KITCHEN

Pakar dapur tempatan, Signature Kitchen melangkah satu tapak ke hadapan dengan pembukaan ruang pameran terbarunya di Johor Baru. Dibina seluas 7,000 kaki persegi, galeri dapur Signature Kitchen berlokasi di bangunan komersial tiga tingkat, Danga Utama. Mahu menjadi aspirasi dapur terkini pengunjung, Signature Kitchen membina dapur sempurna berpaksikan tema gaya hidup dan pilihan pengguna domestik. Pengunjung juga dapat melihat reka bentuk sistem dapur dan gerobok pakaian rangkaian jenama eksklusif oleh Bieffi Cucine dan Nobilia, selain penampilan perkakasan dapur daripada Gorenje, Franke dan Ariston. Signature Kitchen, Danga Utama, boleh diakses menerusi Jalan Skudai dan Jalan Sutera Danga (Sutera Mall).



**M Marini** M Marini berlokasi di denyutan kota metropolitan, Suria KLCC. Mendapatkan lakaran seni bina dan sentuhan dalaman oleh arkitek tempatan, Dr. Tan Loke Mun, M Marini menerbitkan suasana Italianate kontemporari dihiasi kemasan marmar, upholstery mewah dan tanda baca optik melangkaui persepsi. Batu marmar marquina membentuk panel dinding rendah ditemani simbah cahaya suram di dalam dinding kaca. Latar belakang juxtaposes membangkitkan seri pilihan perabot serba putih. Garis-garis moden diselangi elemen ekletik *baroque* klasik. Karya lukisan Venice's Grand Canal oleh Canaletto tergantung megah di sebalik kaunter bar mengimbau memori puitis seni Eropah. M Marini adalah sebahagian rangkaian Modesto Marini.

## Khazanah Pencinta Muzik

Ringan tapi padu pada berat sederhana 150 gram, BeoPlay H2 oleh Bang & Olufsen mempersembahkan pengalaman bunyi tiada tandingan. Diperbuat daripada bahan komposit tahan lama, tekstil lasak dan kulit kambing melindungi telinga sepenuhnya untuk pendengaran sempurna tanpa kehadiran not-not bendasing. Meski berkepadatan ringan, fon kepala BeoPlay H2 kukuh dan tahan haus. Dimensi 40 mm BeoPlay H2 memberikan dentuman muzik sarat dan kaya. Bang & Olufsen di The Gardens.







**KOLEKSI CONTEMPORARY CHARM** LARI DARI KONSEP TRADISI, MEWUJUDKAN KEUNIKAN DALAM REKA BENTUK KONTEMPORARI **TIMELESS CHIC**

Koleksi ini menampilkan gaya segar rekaan bergaris lurus, dengan aksen menawan pada pemegang dan tombol pintu. Gabungan warna neutral kemasan *matt* bertekstur kemasan kayu dalam suasana elegan, mewujudkan suasana dapur harmoni. Rekaan kabinet tertutup dan rak terbuka dalam kemasan yang berbeza mewujudkan penampilan dapur segar dengan reka bentuk terkini.

**KOLEKSI RUSTIC COUNTRY** TAFSIRAN MODEN DAPUR GAYA COUNTRY, MEMBENTUK FUNGSI DAPUR LEBIH PRAKTIKAL

Reka bentuk *country* menampilkan ruang dapur lebih segar, relaks dan santai bersama unsur moden. Koleksi ini tampil dengan gaya rekaan klasik, elegan bersemi elemen baroque dan vintaj, kaya dengan tona natural untuk ambien semulajadi.







**KOLEKSI SLEEK  
LINEAR REKAAN  
SOFISTIKATED  
DENGAN  
SENTUHAN  
MODENISME**

'Less is more' adalah falsafah di sebalik konsep dapur ini. Garis tepat, permukaan lancar dan panel *handleless* bergabung untuk mewujudkan gaya elegan, kenyataan reka bentuk minimalis di dapur. Bermain dengan elemen kontras antara licin, kemasan berkilat dan semulajadi kayu, suasana minimalis kontemporari dicipta pada bahagian permukaan. Rekaan bijak rak Koda sebagai sebahagian ruang dapur menjadi sumber inspirasi, sama ada untuk buku, barang perhiasan atau perkakas dapur.

# KEMASAN COUNTER

1. **GRANIT** MEMBERI AKSEN MEWAH SELAIN TEGUH DAN TAHAN LASAK. 2. **QUARTZ** KARAKTER UNIK UNTUK MENAMBAH SUASANA DAPUR LEBIH ELEGAN, TAPI TIDAK TAHAN PADA PERUBAHAN SUHU YANG MELAMPAU DAN PENDEDAHAN BERPANJANGAN KEPADA HABA AKAN MEROSAKKAN PERMUKAAN DARIPADA QUARTZ. 3. **LAMINA** PILIHAN BERATUS-RATUS WARNA DAN CORAK, TERMASUK REKA BENTUK YANG MENYERUPAI BATUAN ASLI, SEPERTI GRANIT, MARMAR, DAN SLATE. TIDAK TAHAN CALAR. 4. **SOLID SURFACE** TERHASIL GABUNGAN MINERAL SEMULA JADI DAN AKRILIK PRESTASI TINGGI. TAHAN LASAK, MUDAH DISELENGGARA DAN VERSATIL.

